

14 SEP 1998

Komanwel-Dr Mahathir

DR MAHATHIR SAMPAIKAN PINGAT ACARA BADMINTON

KUALA LUMPUR, 14 Sept (Bernama) -- Perdana Menteri Datuk Seri Dr Mahathir Mohamad berkata pasukan badminton wanita negara yang memenangi pingat perak dalam Sukan Komanwel ke-16 akan muncul juara dunia sedikit masa lagi.

"Ini kali pertama pasukan wanita mencapai kejayaan yang baik sekali dan umur mereka kesemuanya di bawah 19 tahun. Ini bermakna mereka mempunyai masa depan yang amat cerah dan mungkin mereka akan jadi juara dunia...", katanya di sini hari ini.

Sebelum itu, beliau menyampaikan pingat-pingat kepada para pemenang acara badminton berpasukan lelaki di mana pingat emas dimenangi Malaysia, India (perak) dan New Zealand serta England (gangsa).

Isteri Perdana Menteri Datin Seri Dr Siti Hasmah Mohd Ali pula menyampaikan pingat bagi acara berpasukan wanita yang dimenangi England, Malaysia (perak) dan Australia serta India (gangsa).

Dr Mahathir juga menyatakan kegembiraannya dan mengucapkan tahniah kepada pasukan badminton lelaki dan wanita yang berjaya menambah pungutan pingat untuk negara.

Sementara itu, Dr Siti Hasmah yakin pasukan negara mampu memungut dua lagi pingat emas dan berjaya mencapai sasaran untuk memenangi tiga pingat emas pada Kuala Lumpur 98.

--BERNAMA

MT SBJ